

等說話敢有這等的着錦衣衛差人休察的實
都全家發邊遠充軍欽此

遼東馬市外夷交易三日出境敢有擅放入城透漏
邊情者充軍遇革不宥

一件禁的事成化十四年十一月內該太子少保兵部尚書

余子俊等節該奉

憲宗皇帝聖旨遼東開設馬市許令海西并朵顏等三衛夷
人買賣開原每月初一初五開一次廣寧每月初
一日至初五日十六至二十日開二次各夷止將馬
匹并土產物貨赴彼處委官驗放入市許賣有物貨
之人入市兩平交易不許通事交易人等將各夷
侵侮愚弄虧少馬價及偷盜貨物亦不許撥置夷人
指以失物為由扶同誣騙財物分用敢有擅放
夷人入城及縱容官軍人等無貨者恣意
入市有貨者在內遇宿規取小利透漏邊情

事發問擬明白俱發兩廣烟瘴地面充軍遇赦並不
原宥欽此

禁約軍民私出境外并管軍頭目私沒出境及把
守之人縱放該管旗官人等符目陷敵例

成化十七年五月二十五日都察院右都御史戴
等題為地方事山西道呈兵科抄出巡撫山西右副
都御史何奏內一件嚴法禁以防邊竄節該伏覲

大律內一款若越度緣邊關塞者杖一百徒三百因而出外
境者絞把守之人知而故放者與同罪又一款九管軍
百戶及總旗小旗軍吏若私使出境因而致死或被賊
拘執杖一百罷職發邊衛充軍至三名者絞本管
官吏知情容隱不行拿問及虛作逃亡符同報官者
與犯人同罪欽此臣切惟自古禦戎必據險阨設關
塞者非惟嚴華夷之辨抑且防姦細之出入也訪得原
邊州縣衛所有等杆頑軍民不務生理數十為郡各